



Augusti Buchneri Orationes Panegyricæ

Buchner, August

Cliviæ, [1668]

I. In funere D. Balthasaris Meisneri, Prof. P. & Academiæ VVittenbergensis
Magnifici Rectoris.

[urn:nbn:de:hbz:466:1-69483](#)

ORATIO I.
IN FVNERE
D. BALTHASARIS MEISNERI,
PROF. PUBL. ET ACADEMIÆ WIT-
TFNBERGENSIS MAGNIFICI
RECTORIS.

SI tanta mihi ingenii vis, tanta dicendi esset copia,
qvāntā nunc ægritudine animi perplexus sum, qvan-
to dolore undique opprimor, considerem, cum
laude me exequuturum, qvæ in præfenti mihi subeun-
dæ sunt partes. Nunc qvum vulneri huic & plagæ,
qvum huic nostro immenso luctui par nulla inventiri
possit oratio, facundia nulla sufficiat, eqvidem ne-
scio, magisnè mea culpanda temeritas, qvòd hoc
dicendi munus mihi imponi passus sim; qvām com-
mendanda pietas, qvòd non detrectarim. Me verò
infortunatum ac miserum, qvi infelicem spiritum in
hunc diem circumfero, quo dicendum mihi in viri illius
exeqviis qvem unicè semper admirari solitus sum, qvem
omni affectu animi, & suprà qvām dici potest, colui,
observavi: cujus consilium, fidem, operam nemo un-
qvam bonus imploravit frustra, omnes cum magno
fructu semper experti sunt. Sed qvoniam ad hanc tri-
stem necessitatem me alligatum intelligo, fas interim
fuerit, rudes fudisse lacrimas, si erudita verba non li-
cet: qvumqve dignam magni BALTHASARIS
MEISNERI nostri funere afferre orationē neqveam,
inconditum mœrentis animi murmur edidisse. Qvan-
to e-

tò enim major illustriorqve ejus olim virtus extitit; tanto nunc calamitosior acerbior qve ejus decessus est. Multa sunt Auditores, & dictu gravia, & aspera perpessu, qvæ communem patriam afflixerunt hactenus & adhuc qvoqve lacerant. Innumeros mortales pestilentia abstulit: immensam hominum vim hæc plus quam civilium bellorum rabies absumvit: rapinis, incendiis, cædibus turbata fuerunt omnia, exhausta, devastata, vexata: qvantæcunqve tamen illæ clades, qvanta hæc damna fuerint: propè dixerim, parva ac levia existimanda esse præ eo, qvod in Rectore nostro amissimus. Neqve enim putandum, ejus obitu hanc Academiam, hanc Saxoniam nostram tantum (qvanquam has præcipue) concussas confusasqve esse; universa Ecclesia purior, universus, qvacunqve patet, Christianus orbis hoc vulnera confessus ac sauciatus est. Ferimur cuncti in unius jugulo, & occidit flebilis omnibus, qui in amorem sui ac admirationem vivus omnes trahebat. Qvis respondebit deinceps qværentibus de rebus fidei? Qvis eriget timidos, dubios confirmabit, pressos solabitur? Cujus vox stylusqve in posterum æternam veritatem aut assertabit potentiùs, exponat lucidiùs, aut eruditè magis proponet? Ubi nunc vera virtus sibi sedem deliget? Quem porrò exemplum pietas specimenqve ostendet? Ecquis vitare seculi vortices, quis larvam à veritate postea dignoscere, monstrabit? ne inconsultus animi impetus zeli nomen induat; ne ficti supercilii nubes sanctitatis in vadat famam: aut fastus pro sapientiâ, opinio pro doctrinâ, blanditia pro comitate in Ecclesiâ regnent. Fuit, fuit illud ingenium, qvod & inveniendi acumine, & differendi subtilitate, & disponendi solertiâ vix sibi æqvale hodiè habuit.

Exa-

Exaruit illud os, conticuit ligua, qvæ, non ut Home-
rici Nestoris melle, sed ipso divino nectare, ipsâ am-
brosia diffuebat. O irreparabilem tot maximarum
rerum jacturam! O acerbissimum tuum, magne MEI-
SNERE, obitum! Tu qvidem complexus cœlum tu-
um, coronâ illâ, pro qvâ tâm strenuè hîc depugnasti ha-
ctenus, ineingeris, ad gratulantibus tibi universis &
fortissimorum martyrum & sanctissimorum Confesso-
rum choris; qvos inter medius novum sidus ipse
radias, discisqve, qvam vanum sit scire illud omne,
qvo superbimus tantoperè in his terris miseri, & calca-
mus alios pariter invicemqve calcamur; nos verò, te
Duce, te Præside, te Doctore nostro destituti trepida-
mus anxiè quid de nobis tandem futurum, & velut stu-
pore qvodam attoniti de fixos tantum tenemus oculos
in nostrâ plaga. Qvod si rerum humanarum curam
nondum omnem deposuisti, si adhuc nostri memori-
am, retines, age, & qvoniam ipse succurrere necessita-
tibus nostris amplius non potes, precibus tuis impetra,
ut tibi succrescant similes, qui Ecclesiæ, qui Academiæ
nostræ salutem ac incolumentatem tueantur. Sic tuum
corpus leni quiete fruatur interim, placideqve dormi-
at, donec reformato hōc universo orbe, perpetua lux
purgatos ambiat, æternæ tenebræ fontes involvant.
Nunc ad vos, Auditores, mea se convertit oratio, qvi-
bus tempus jam erat, agere ac habere gratias pro tam lu-
culentter præstito exeqiarum officio, nisi vererer, vos
eas prorsus deprecatus. Ecqvis enim vestrū est, qui
non MEISNERUM nostrū eo affectu & vivum com-
plexus fuerit, & nunc proieqvat mortuum, ut vel suis-
met humeris inauspicatum subire feretur, & parvas
viri magni reliquias ad conditorium suum deportare
volue-

voluerit, nedum deductioni funeris interesse? Ceterum quandoq; idem ille nullis unquam modis deplorari satis potest & elugeri, agite, Patres Academicci, & finem ponite locuti, quem ceremoniis istis funebribus statuistis. Qvō enim nil profecturæ diutiū fundatur lacrimæ, aut dolor inutilis animum lanciaet? Gratulamini vobis potius qvōd talem ac tantum virum benigniora hactenus concesserint fata, atque id unicè incumbite, ut afflictissima vidua liberiq; superstites ope, consilio & fide vestrâ ne unquam destituantur. Erit, profectò erit tempus, qvum ex hâc parvulâ turbâ non unus nobis resurget pater, & qvi tot rarus illius ingentesq; animi representabit virtutes, cujus nunc os & oculos in hâc tenello vultu circumgestat. Deum complex veneror ut Ecclesiam, ut Academiam nostram sibi cura habeat, & qvam inflixit plagam, ipse sanare instituat. Ab alto, qvæ patimur, veniunt: ab alto medela etiam exspectanda. Nōque enim ulla est salus præter Te, Deus noster!

(o)

¶

ORAT.